



Alver kommune
Havnevegen 41 A
5918 FREKHAUG

Saksbehandlar, innvalstelefon

Åse Vaag, 5557 2188

Uttale - høyring og offentleg ettersyn - Alver - kommunedelplan for helse sosial og omsorg

Vi viser til melding om offentleg ettersyn av planprogram for Kommunedelplan for helse, sosial og omsorg, motteke 11.09.20.

Bakgrunn:

Alver kommune vedtok planstrategi for Alver kommune 2020-2023 den 14.05.20. Kommunedelplan for Helse, sosial og omsorg er ein del av strategien, og vil vere eit sentralt styringsverktøy for innsatsen på helse, sosial- og omsorgsarbeidet i åra framover.

Planprogrammet skildrar korleis ein vil gjennomføre planprosessen, kva tema ein vil arbeide med og kva område ein treng meir kunnskap om, før ein tek avgjer i planarbeidet.

Fylkesmannen si vurdering:

Folkehelse

Alver har utarbeidd folkehelseoversikt, som ligg som vedlegg i til planprogrammet for kommunedelplanen for helse og omsorg. Vi anbefaler at denne blir nytta i arbeidet med å utforme overordna mål og strategiar for folkehelsearbeidet i kommunedelplanen slik at folkehelseomsyn blir kjent og teke hand om tidleg i planprosessen. [Sjå rettleiaren for eit systematisk folkehelsearbeid.](#) Berekraftsmåla og helsefremming er sentrale berebjelkar for samfunnsplanlegginga i Alver og det er positivt at de vil knyte dei ulike kommunedelplanane til samfunnsdelen av kommuneplanen som de arbeider parallelt med. Under aktuelle tema for kommunedelplanen tek de mellom anna opp sosial berekraft med utanforskap, barnefattigdom og livsmeistring som undertema. Dette er sentrale tema i arbeidet med utjamning av sosiale skilnader, som er essensen i folkehelselova. Vidare er sosial bustadpolitikk avgjerande i den heilskaplege kommunale innsatsen for utjamning av sosiale helseskilnader.

Leve heile livet

Den vedlagde folkehelseoversikta for Alver syner at ein ventar framleis folketalsvekst i kommunen og befolkningssamansetninga er kjenneteikna av mange barn og unge vaksne, medan eldre utgjer ein mindre del av den totale befolkninga. Ein ventar at folketalsveksten blir størst i dei eldre



aldersgruppene, og dette gjer at kommunen må ta ei aktiv rolle i utvikling av aldersvenlege samfunn. Dette peika vi også på i fråsegna til planprogrammet for samfunnsdelen til kommuneplanen (datert 29.05.2020).

Aldersvenlege samfunn er eitt av dei fem innsatsområda i Leve heile livet, som er regjeringa si kvalitetsreform for eldre. Reforma legg opp til at kommunane gjennom politiske vedtak skal ta stilling til korleis tiltaka i Leve heile livet kan utformast, gjennomførast lokalt og innarbeidast i planverk og settast ut i livet. Dette gjeld både tiltak knytt til Et aldersvennlig Norge, og reforma sine andre hovudområde. Planverk betyr først og fremst kommuneplanens handlingsdel med økonomidel, og eventuelt i ein kommunedelplan for helse- og omsorg. I planprogrammet har de lista opp reforma under punkt 5.4 Lovverk og andre sentrale føringar. Vi ventar at de kartlegg eiga kommune og at de vidare bestemmer dykk for kva innsatsområde de vil jobbe med. Eit nyttig verktøy i kartleggingsarbeidet er ressursportal.no.

Medverknad

Alver skal gjennomføre ein felles medverknadsprosess for samfunnsdelen til kommuneplanen og kommunedelplanane for oppvekst, og helse, sosial og omsorg. De skriv at de vil hente innspel frå alle som bur i kommunen, og spesielt barn og unge, frivillige lag og organisasjonar, politiske råd og utval med meir. Her saknar vi at de spesielt tek med eldreråd og råd for menneske med nedsett funksjonsevne og eit tydelegare opplegg for korleis de vil sikre medverknad frå alle grupper.

Med helsing

Linda Svori
Ass. fylkeslege

Åse Vaag
fagdirektør

Dokumentet er elektronisk godkjent